

LA USC DI LADINS – VENERDÌ 9 NOVEMBRE 2012

Jean Ruaz a Suns

L ciantautor badiot à prejentà a Udin sia ciantia “Perde” con na neva band

Musega - Endèna che l speta de poder dèr fora so nef CD, dal titol “Perde”, registrà te na bela esperienza de viac e musega a Cuba, Jean Ruaz se à prejentà al gran public en vender passà a Udin.

Su la paladina de Suns, l festival european de cianties tel lengaz de mendranza, Jean à prejentà l toch che ge dèsc l titol a sie album ensem con na neva band. Fèr vegnir cà i musizisc che à registrà l CD con el a Cuba fossa stat massa senester, coscita a l compagnèr l'é stat i amisc Loris Dallago a la bateria, Francesco Dallago al bas, Elisa Pisetta a la chitara e Matteo

Cuzzolin al sax.

Te chesta edizion de Suns, che à padì i taes de la “spending rewiew”, l'esibizion de Jean Ruaz é stata mingol penalisèda da problemes tecnicos, ma l talent del ciantautor ladin à podù ampò vegnir aprijà. Chest'outa no l'era l met de votèr da cèsa tras internet, sistem che l'an passà aea portà al Liet International l grop badiot Contra Löm con “La Moncignosa”. A se vadagnèr l'azess a la finèla, che sarà te la Asturias l 1 de dezember, l'é stat i catalegn da l'Alguer



Jean Ruaz a Udin. (foto Andrea Tomasin)

Claudia Crabuzza e Claudio Gabriel Sanna e i furlegn Jonokognosc. (lg)